

• I- FAMPAHAFANTARANA

1500 ariary ny kilaon'ny Vary Tsinjo amidy amin'ireo tsenakely sy ny Tsena Mora manerana ny Nosy:

Hanomboka eto Antananarivo Renivohitra, amin'ny zoma izao ny fitsinjarana sy famarotana ireo Vary Tsinjo natokana hitsinjovana ny isan- tokantrano nafaran'ny fanjakana tamin'ny alalan'ny SPM. Hiparitaka any amin'ny faritra manerana ny Nosy izany amin'ny herinandro ho avy.

1500 ariary ny kilaon'ny vary eny amin'ny mpanjifa ka 05 kilao isan-kerinandro no azon'ny isam-pianakaviana vidiana. Ho an'Antananarivo Renivohitra manokana dia hotsinjaraina any amin'ireo tsenakely miisa 984 izany ary efa voafantina ireo mpamongady sy mpaninjara ny vary mba hialana amin'ny fanararaotana sy ny fanodikodinana.

Isan'ireo hivarotra amin'ny vidiny mirary 1500 ariary ny kilao ity vary ity ny Tsena Mora manerana ny Nosy ka ny Alatsinainy, Alarobia, Zoma no hanatanterahan'izy ireo izany. Mila mitondra ny karinem-pokontany ireo mividy vary eny amin'ny tsenakely sy eny amin'ny Tsena Mora. Izany no natao dia mba hisian'ny fifampitsinjovana sy hiantefa any amin'ireo mpanjifa tena mila izany ny vary amidy amin'ny vidiny mirary.

Mifanaraka tsara amin'ny fepetra ara-pahasalamana ity vary nafarana ity ary efa nahazo ny « certificat de consommabilité » ho an'ny olombelona avy amin'ny ministeran'ny fahasalamam-bahoaka sy ny fahazoan-dalana amidy avy amin'ny ministeran'ny Varotra.

Famatsian-drano ho an'Antananarivo sy manerana ireo toerana saro-drano :

Ho famatsiana rano an'Antananarivo sy ireo faritra mijaly rano manerana ny Nosy dia hanao lava-drano ny fanjakana amin'ny alalan'ny Ministeran'ny Rano sy ny Jirama ho famatsian-drano azy ireo. Efa madiva hifarana ny fanadihadiana ara-teknika ataon'ny ministeran'ny rano ka hanomboka amin'ny herinandro ambony ny fametrahana ireo lava-drano rehetra manerana an'Antananarivo sy ireo faritra saro-drano ka ahitana « nappe phréatique » afaka ahazoana mamatsy rano ireny toerana ireny. Ny rano azo avy amin'izany dia hatao hidiovana, hanasan-damba, sy

handrahoina sakafo ary hampangotrahana vao azo sotroina.

Notolorana ny Masera Karmelita ny toeram-pitsaboana iasany ao Befelatanana :

Ho tohin'ny fikarakarana ny fahasalamam-bahoaka dia neken'ny Filankevitry ny Minisitry ny fangatahana ny toerana iasan'ireo Masera Karmelita mikarakara ny marary nandritra ny 60 taona etsy amin'ny Hopitaly Befelatanana.

Fametrahana sy fitantanana ny Zone Industrielle ao Moramanga :

Ny SONAPAR no hisolo tena ny Fanjakana amin'ny fametrahana ny tetikasa hitantanana ny « Zone Industrielle » etsy Moramanga mirefy 80ha iarahana amin'ny orinasa Maorisianina Mauritius-afriva Funds Ltd na ny MAF.

• II- FANDANIANA DIDIM-PANJAKANA SY VOLAVOLAN-DALANA

Araka ny tolo-kevitra ny Minisitry ny Fiarovam-pirenena :

Nankatoavin'ny Filankevitry ny Minisitry ny fametrahana ny « Base Aérienne 213 ».

• II- FANDANIANA DIDIM-PANJAKANA SY VOLAVOLAN-DALANA

:

Araka ny tolo-kevitra ny Minisitry ny Fiarovam-pirenena :

Nankatoavin'ny Filankevitry ny Minisitry ny fametrahana ny « Base Aérienne 213 ».

Ny Filankevitry ny Minisitry dia nanafoana ireto didim-panjakana manaraka ireto:

Araka ny tolo-kevitra ny Minisitry ny Fambolena sy ny Fiompiana ary ny Jono:

- Foana ny didim-panjakana laharana faha 2019-691 tamin'ny 10 aprily 2019 nanendrena ny Talem-paritra ao Atsimo Atsinanana.

Araka ny tolo-kevitra ny Minisitry ny Fampianarana Ambony sy Fikarohana ara-tsiantifika:

- Foana ny ampahany amin'ny didim-panjakana laharana faha 2019- 711 tamin'ny 10 aprily 2019 nanendrena ireo Filohan'ny Oniversite, izay mahakasika ny Filohan'ny Oniversite an'i Mahajanga Professeur TIANDAZA Dinaraly Odilon ary koa ny fananganana ny Komity mpisolotoerana hitantana ny Oniversite ny Mahajanga

Araka ny tolo-kevitra ny Minisitry ny Tontolo Iainana sy ny Fampanandrosoana Lovainjafy :

- Foana ny didim-panjakana laharana faha -2020-852 tamin'ny 29 jolay 2020 nanendrena ny Tale Jeneralin'ny Fampandrosoana Lovain- jafy.